

## SOCUA TANEE JUAN NAAJIONEE

*Juan maninia pohuatasaaquiaari Gayojiniji*

<sup>1</sup> ¿Quiaate quiyajaa cua panishano Gayonaa? Janiyari saaquiano Juanni, Pueyaso muerasu ji-itiana. Seetanujuanaa quia paniyanijia, Pueyaso rupaa quiniuucua coojajinija. <sup>2</sup> Quiocuara secojo-quiaanijia, puetunu quia miishanojuanaa cuaara quiuria maninia. Janiyari quiocuara secojoquiaajaaniuhuaj, maninia quia cuaqueya quiniuria, maja cusosu, taa quioojia quiya maniniacuaani, Pueyaso tojijia quia quishacari maninia.

<sup>3</sup> Parta Pueyaso muerasujinjinio pueyari cucua tiuquiquianu quia quijia tiacajiniji. Janiyari jiyanoehua shuquiriaatia quiqianuni nojori pohuatasacari quiajanijiniji. Quiaanaari seetanujuanaa maninia miijia quiquiaa taa pa rootasaaquiaari Jesucristo rupaacuajani. Quiaacuajaari maninia tojiquiaa seetanu rupaajanaa, sanajanaa. <sup>4</sup> Jiyanoehua timiquiaanijia cua tojishacari cua muerasuuri maninia miya, taa cua rootaquiaari Jesucristo rupaa nojoricuajani. Naa cua tojishacaritij, cunoori jiyanoehua cua timitiquiaa socua tamonu casaajiniji.

<sup>5</sup> Sanajanaa, quiaacuajaari maninia miijia, maninia quia miishacari parta Pueyaso muerasu. Quiaa cutaraari maninia miiquiaa, quia tiuquitishacari quia tiajinia quia niishishoo

tamaquiicuajinio Pueyaso muerasu. <sup>6</sup> Pueyaso muerasu rerejosacari niya, Pueyaso rupaa pohuatanura rucoojuacaari canaa niquiara pohuatacanu maninia quia miishanoiniji nojoriria, quia paniniutia nojori. Quiarijani, nojori quia niquitiore nareja nojori panishano na jiyatajara, socua nojori quianu panishacari cuniquiji. Naa quia miiri quenaaja, Pueyaso quia shuquiritiniuria. <sup>7</sup> Nojoriiri Jesucristojiniji pohuatanura rucoojiya. Majaari nojori panishano na masetunu paniniu quiqianu Pueyaso niishiyashijiacajiniji. <sup>8</sup> Naaratej, pajaniya cuaara naacuura jiyano pueya, noo pojori canapuete pa Jiyanijia rupaa pohuatanura rucoojiyacuajani. Naa pa miiriti Pueyaso rupaa pohuatanu naacunaa pa quiniuriajuhuaj.

### *Sesa Diótrefes miishanoiniji pohuatasano*

<sup>9</sup> Janiyari quia quijia tiacajinia Pueyaso pueya maanuu cuara naa naajioquiaarijuhuaj. Janiyari nojori sequequiaarinji nojori cuaara Pueyaso Rupaa pohuatanura rucoojuaca naacuura, cuno pojori jiitianura na panishano. Diótrefesri saaja tama na cuaqueyajaaja shuquiritiaja, Pueyaso pueya maanu jiitianana na quishacari. Nocuaji cua sequesano ruuretacanuuri. Cua rerequetequiaajaarijuhuaj. <sup>10</sup> Naajaa, janiya jaara niaacua quiaareni, janiyari naa sacuaraatia na miiniuucua na nacsunutaniyani. Nojuajaari tamasaca niquiara canaa sesacaquiaa na sapojonuta. Naa socua sesa miiquiaajaarijuhuaj: majaari na tiuquintianu quiquiaa Pueyaso Rupaa pohuatanaa na tiajinia. Canapuete saniniujia nojori tiuquitiniu

paniquiaa nojori tiajiniani, Diótrefesri nojori tenujuquiaa saaja. Canapuete Pueyaso rupaa po-huatanura rucoojuaca tiuquinitianu paniquiaajaa na tiajiniani, Diótrefesri puetunu nojori tenujuquiaajanaa, maja socua nojori rerejonura narta Pueyaso muerasuta.

<sup>11</sup> Sanajanaa, majaari quia jiaatianu cuno sesa mijiiaacua, quiaa mariqui juhua nojuaja quirijiaariuhuaj. Saaja quia jiaatiare cutara maninia mijiiaacua, juhua nojuaja quia quiniuria. Cante maninia miiquiaani, cunocuajaari Pueyaso pueyano. Sesa mijiia saniniuuja, nojuajaari Pueyaso niishiyashijia.

### *Maninia Demetrio miishanojiniji pohuatasano*

<sup>12</sup> Puetunu pueyajanaari saniniuuja maninia pohuatanuuquiaa Demetriojiniji. Tama Demetrio mijiiosanojinijiaaja, pueyari niishiya Demetrioori maninia pueyano. Seetanujuanaa, nojuajaari maninia pueyano, taa tamasaca seququiaacuajani. Niaacuajaari niishiya canaari see-tanujuanaa seququiaani, naa canaa sequesacari Demetriojiniji.

### *Naajio puequesacari*

<sup>13</sup> Janiyari queraatia sequenu paniyajaa quiajaniyani. Naajaa, majaari cua sequenu paniniusaa ja cua naajiojinia. <sup>14</sup> Janiyacuaja quiocua na-querejiyani. Jiyacaritij, pocua maninia pocoojore cutarani.

<sup>15</sup> Pueyaso cuaara quioopia jiitiaara maninia, juhuajaniya quia quiniuria. Niya pa rupuenaari cua sequeturee cua saruhuatanura quiajaniya.

Puetunu cuniqui pa rupuenaajanaa quia saruhu-atare canaarajuhuaj. Tariucuaja.

# **Quiarinio pueyaso rupaa pa jiyaniijia Jesucristojiniji pueyano rupaajinia New Testament in Arabela (PE:arl:Arabela)**

copyright © 2008 Wycliffe Bible Translators, Inc.

Language: Arabela

Translation by: Wycliffe Bible Translators, Inc.

## **Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

## **The New Testament**

in Arabela

**© 2008, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

---

PDF generated using Haiola and XeLaTeX on 11 Nov 2022 from source files  
dated 29 Jan 2022

90034700-94c6-5f48-ae9c-2383843fed68